

Комсомольцнрин политическ медрл өөдлүүлхд

Сургъулин шин джилд Черноземельск района эклц комсомольск организацсар политическ медрлән өөдлүдлгънә белдврн кōдлмш дуусгдв.

Райком кружокс бүрдәлгънә болн медрлтә пропагандистир шүүджд авлгъна кōдлмшт оньган өгч, күчн-чидлән нөл уга кōдлв.

Давсн сургъулин джилд кружокс сонъсачнрин медрлин хәләджд бүрдәгдсмн биш бәәджд. Дундин болн эклц школ чиләсн улсиг нег газр хамднх негдүлдж, кружок бүрдәгдсмн. Иим кōдлмшин ашнх, сонъсачнрт олз өгсн уга. Юнъгад гихлә, дундин школин программар лекц умшхла, эклц школ чиләсн улст икзунь медрдгдо, эс гиджд эклц школин программар лекц умшхла, дундин сургъульта улст үүдвртә болдг бәәсмн. Тегәд чигн кружокс тарджд одг зам билә.

Райком сургъулин шин джи-

лд бүрдәлджәх кружоксан, дундин болн эклц школмуд чиләсн улст онц-онц кружокс бүрдәджд, медрх-чадх темәрнх лекц умшгдлгар кев.

„Черноземельский“ совхоз угагъар, цуг районд 17 кружокс бүрдәгдв. Теднәс 2 кружокнх КПСС-н тууджд дасх, 5 кружокнх ВЛКСМ-н тууджд, 5-нх өдгә цагин политик болн 5 кружокнх МЖС-н эдл-ахун бүрдәциг дасхмн.

Цәәлгъврн кōдлмш келгънд ах сургъульта болн дундин сургъульта пропагандистир кружокс гардхмн.

Ставропольд болджах зургъан хонгин семинарт арвн пропагандистир илгәддлә.

МЖС-н эдл-ахун бүрдәц даслгъна кружокс, багъчудт болн специалистирт ик өврмджтә болджана.

Эн кружокин бүрдәц, сонъсачнриг эврәннх кōдлдж бәәх производствла болн энүнә эдл-

ахун кев-кециг гүүдүлдж даслгънла таньлдулхмн. Кружокс толгъаллгънд МЖС-н специалистир дуран өгч орцхав. „Прудовый“ МЖС-г кружокиг ах агроном Г. Д. Дуленко болн Полевой МЖС-г Дмитрова А. Ф. гидг өөдән сургъульта агроном гардхмн.

ВЛКСМ-н райком болн эклц комсомольск организацин комитет кōдлмшт бәәх багъчуд асхар сурдг классмуд бүрдәлгъ школмудар кев.

Цуг бригадсар болн селәдәр йовджд эклц комсомольск организацин сегләтрмүд болн комитетин чледүд асхн школд дасх багъчудла күүндвр кецхәв. Районд асхар сургъуль сурхд дуран өгчәх багъчудин тонь эн джил олт. Асхар сурдг школмуд ст. Артезиан болн Комсомольск селән деер бүрдхмн.

АСАНОВ БАДМ,

ВЛКСМ-н таньгъчин оргбюрон инструктор.